

Огноо: 2025.12.02

**БАТЛАВ.
САНГИЙН САЙД**




Б.ЖАВХЛАН

**БАТЛАВ.
МОНГОЛ УЛСЫН
ТЭРГҮҮН ШАДАР
САЙД БӨГӨӨД ЭДИЙН
ЗАСАГ, ХӨГЖЛИЙН
САЙД**



Ж.ЭНХБАЯР

**БАТЛАВ.
ЭРҮҮЛ МЭНДИЙН
САЙД**



Ж.ЧИНБҮРЭН

**БАТЛАВ.
ГАДААД ХАРИЛЦААНЫ САЙД**



Б.БАТЦЭЦЭГ

**БАТЛАВ.
ХУУЛЬ ЗҮЙ, ДОТООД ХЭРГИЙН
САЙД**



Б.ЭНХБАЯР

**МОНГОЛ УЛС БОЛОН ЕВРОПЫН СЭРГЭЭН БОСГОЛТ, ХӨГЖЛИЙН БАНК
ХООРОНДЫН ЗЭЭЛИЙН ХЭЛЭЛЦЭЭР СОЁРХОН БАТЛАХ ТУХАЙ ХУУЛИЙН
ТӨСЛИЙН ҮЗЭЛ БАРИМТЛАЛ**

**Нэг.Хууль тогтоомжийн төсөл боловсруулах болсон үндэслэл,
шаардлага**

Монгол Улсын Засгийн газрын 2025 оны 08 дугаар сарын 13-ны өдрийн хуралдааны 12 дугаар тэмдэглэл, 2025 оны 09 дүгээр сарын 29-ний өдрийн Монгол Улсын Их Хурлын Эдийн засгийн байнгын хороо, 2025 оны 10 дугаар сарын 01-ний өдрийн Төсөв болон Аюулгүй байдал, Гадаад бодлогын байнгын хорооны хамтарсан хуралдааны санал, дүгнэлт, Монгол Улсын Ерөнхий сайдын 2025 оны 10 дугаар сарын 13-ны өдрийн 98 дугаар захирамжийг тус тус үндэслэн Монгол Улс

болон Европын сэргээн босголт, хөгжлийн банк хоорондын “Зүрх судасны үндэсний төв байгуулах төсөл”-ийн Зээлийн хэлэлцээрт Сангийн сайд Б.Жавхлан 2025 оны 10 дугаар сарын 29-ний өдөр гарын үсэг зурсан.

Тус Зээлийн хэлэлцээр нь Олон улсын гэрээний тухай хуулийн 8 дугаар зүйлийн 8.1.2 дахь заалтад заасны дагуу гадаад улс, олон улсын байгууллагаас авах зээлийн ерөнхий нөхцөлийн тухай гэрээ тул Улсын Их Хурлаар заавал соёрхон батлуулах шаардлагатай юм.

Хоёр.Хууль тогтоомжийн зорилго, ерөнхий бүтэц, зохицуулах харилцаа, хамрах хүрээ

Хуулийн төсөл нь 1 зүйлтэй байх бөгөөд тус зүйлд Монгол Улс болон Европын сэргээн босголт, хөгжлийн банк хооронд байгуулсан “Зүрх судасны үндэсний төв байгуулах төсөл”-ийн Зээлийн хэлэлцээрийг Монгол Улсын Засгийн газрын өргөн мэдүүлснээр соёрхон батлахаар тусгасан.

Гурав.Хууль тогтоомж батлагдсаны дараа үүсэж болох эдийн засаг, нийгэм, хууль зүйн үр дагавар, тэдгээрийг шийдвэрлэх талаар авч хэрэгжүүлэх арга хэмжээний санал

Монгол Улс, Европын сэргээн босголт, хөгжлийн банк хоорондын Зээлийн хэлэлцээрийг соёрхон батлах тухай хуулийг баталснаар нийгэм, эдийн засаг, хууль зүйн аливаа сөрөг үр дагавар гарахгүй бөгөөд Европын сэргээн босголт, хөгжлийн банкны зээлийн эх үүсвэрээр “Зүрх судасны үндэсний төв байгуулах төсөл”-ийн барилга угсралтын багц ажил болон магадалшгүй бусад ажилд шаардагдах зардлыг санхүүжүүлэх боломжтой болно.

Дөрөв.Хууль тогтоомжийн төсөл нь Монгол Улсын Үндсэн хууль, Монгол Улсын олон улсын гэрээ болон бусад хуультай хэрхэн уялдах, хуулийг хэрэгжүүлэхэд шинээр боловсруулах, шинэчлэн найруулах, нэмэлт, өөрчлөлт оруулах, хүчингүй болсонд тооцох тухай хууль тогтоомжийн талаарх санал

Хуулийн төслийг Монгол Улсын Үндсэн хууль, Олон Улсын гэрээний тухай, Хууль тогтоомжийн тухай болон бусад хууль тогтоомжид нийцүүлэх бөгөөд хуулийн төсөлтэй уялдуулан шинээр боловсруулах, нэмэлт өөрчлөлт оруулах хүчингүй болгох хууль байхгүй болно.